

Nakon provedenog postupka direktnog sporazuma, na način i po postupku predviđenom članom 90. Zakona o javnim nabavkama, zaključuje se

UGOVOR O PRUŽANJU RAČUNOVODSTVENIH USLUGA

(U daljem tekstu: „Ugovor“)

Zaključen između:

JU „Apoteke Sarajevo“ sa sjedištem na adresi Kranjčevićeva 29, 71000 Sarajevo, zastupano od strane zakonskog zastupnika generalnog direktora Nedima Hrelja, (u daljem tekstu: „Korisnik usluge“) i

FConsulting Mag d.o.o., Društvo za savjetovanje u vezi sa poslovanjem, sa sjedištem na adresi Tvornička 3, 21210 Ilidža, zastupano od strane zakonskog zastupnika direktora Asmira Bektić, (u daljem tekstu: „Pružatelj usluga“).

I PREDMET UGOVORA

Član 1.

Ovim Ugovorom se regulišu odnosi između Korisnika usluge i Pružatelja usluga gdje se Pružatelj usluga obavezuje na vršenja usluga certificiranog računovođe Korisniku usluge, a Korisnik usluge se obavezuje Pružatelju usluga za to plaćati ugovorenu naknadu.

Pružatelj usluga će vršiti računovodstvene usluge u skladu sa ponudom Pružatelja usluga od 26.11.2020. godine, koja je sastavni dio ovog Ugovora.

Član 2.

Pružatelj usluga će Korisniku usluga pružati sljedeće usluge:

- Kreiranje potrebnih naloga za knjiženje u skladu sa bruto bilansom;
- Davanje instrukcija i uputa za 2020. godinu, kao i za prva tri (3) mjeseca 2021. godine;
- Sastavljanje poreznog bilansa, godišnjeg izvještaja i OZU obrazaca;
- Predaja PDV i DPDV prijava od januara minimalno tri (3) mjeseca;
- Predaja godišnjih TRG statističkih obrazaca.

II VRIJEDNOST UGOVORA I CIJENE USLUGA

Član 3.

Vrijednost nabavke iz člana 1. Ugovora iznosi do 5.990,00 KM (pethiljadadevetstodevedeset i 00/00 KM) bez uračunatog PDV-a, kako slijedi:.

Kreiranje naloga za knjiženje naloga za knjiženje u skladu sa bruto bilansom i davanje instrukcija i uputa za 2020. godinu, kao i za prva tri (3) mjeseca 2021. godine	390,00
Sastavljanje poreznog bilansa	2.500,00
Sastavljanje godišnjih izvještaja za 2020. godinu	1.500,00
Sastavljanje seta OZU obrazaca za 2020. godinu i plan za 2021. godinu	200,00
Godišnji TRG statistička za 2020. godinu	200,00
Predaja PDV-a i DPDV prijava od januara - naredna 3 mjeseca	1.200,00

III PRAVA I OBAVEZE UGOVORNIH STRANA

Član 4.

Pružatelj usluga se obavezuje da će uredno voditi evidenciju pruženih usluga i to: datum pružene usluge, vrsta usluge i potpis Korisnika usluge.

Pružatelj usluga se obavezuje usluge vršiti u skladu sa zakonom, međunarodnim računovodstvenim standardima, te pravilima struke i odgovoran je Korisniku za ispravnost i blagovremenost pružene usluge.

Član 5.

Ugovorne strane su se sporazumjele da dokumentacija koja je predmet obrade mora biti uredna i vjerodostojna, i u skladu sa zakonom. Dokumentacija će se obrađivati kod Pružatelja usluga.

Član 6.

Sredstva namijenjena za plaćanje usluga Pružatelja usluga iz Ugovora su osiguranja iz budžeta Klijenta za 2020. godinu.

Korisnik usluga se obavezuje da će redovno plaćati račune za pružene usluge, u roku od 30 (trideset) dana od dana zaprimanja računa, na transakcijskih račun Pružaoca usluge naznačen na fakturi.

Član 7.

Pružatelj usluga ne može odustati od Ugovora niti raskinuti Ugovor sve dok ne izvrši taksativno nabrojane usluge iz člana 2. Ugovora.

Ukoliko Pružatelj usluga ne ispoštuje obavezu iz stava (1) ovog člana, Pružatelj usluga će biti dužan Korisniku usluga nadoknaditi štetu u iznosu koji utvrdi neovisni vještak, a u svakom slučaju ne manje od ukupne cijene ugovorene članom 3. Ugovora.

IV ZAŠTITA PODATAKA

Član 8.

Svi podaci koji se izričito odnose na poslovanje Korisnika usluge i sve druge informacije i podaci koji su potrebni za obavljanje računovodstvenih usluga su povjerljive informacije Korisnika usluge ("Povjerljive informacije").

Pružatelj usluge je dužan da koristi Povjerljive informacije isključivo za potrebe izvršenja usluga koje se pružaju Korisniku usluge, te iste neće objelodaniti nijednoj trećoj strani bez prethodne pisane saglasnosti Korisnika usluge. Ukoliko Pružatelj usluga prekrši ovu obavezu, dužan je Korisniku usluge nadoknaditi stvarnu štetu u iznosu koju utvrdi neovisni vještak, a u svakom slučaju ne manje od ukupne cijene usluge iz člana 3. Ugovora.

Korisnik usluge neće dostaviti lične podatke Pružatelju usluga osim ako je upotreba ličnih podataka neophodna u svrhu izvršenja Ugovora, ili ukoliko Pružatelj usluga zahtjeva dostavljanje ličnih podataka. Korisnik usluge potvrđuje da je nadležno i ima potrebno ovlaštenje svih nosilaca ličnih podataka, saglasno važećoj zakonskoj regulativi u oblasti zaštite ličnih podataka, da Pružatelj usluga može da koristi i ustupa lične podatke u skladu sa ovim Ugovorom, kao i da su nosioci ličnih podataka obavješteni o upotrebi njihovih ličnih podataka.

Kada Pružatelj usluge postupa u svojstvu obrađivača ličnih podataka u vezi sa ličnim podacima koji pripadaju Korisniku usluge (kategorije i vrste definisane su važećim zakonima, propisima odnosno standardima struke), Pružatelj usluge će:

- (i) vršiti obradu podataka isključivo u skladu sa uputstvima Korisnika usluge dokumentovanim u skladu sa zakonom;
- (ii) sprovesti adekvatne mjere kako bi se obezbijedila sigurnost podataka, uključujući nametanje obaveze čuvanja povjerljivosti podataka nadležnim radnicima;
- (iii) prenijeti podatke podobrađivačima isključivo na osnovu pisanog ugovora kojim se podobrađivačima nameću jednake obaveze;
- (iv) pružiti Korisniku usluge neophodnu pomoć u obavljanju procjene efekata zaštite ličnih podataka koja je obavezna u skladu sa zakonom, vodeći računa o pravima nosilaca ličnih podataka i vodeći računa o svojim obavezama u pogledu zaštite ličnih podataka u skladu sa važećom zakonskom regulativom u toj oblasti;
- (v) bez nepotrebnog odlaganja, obavijestiti Korisnika usluge po sticanju saznanja da je došlo do povrede prava na zaštitu ličnih podataka;
- (vi) zavisno od obaveze čuvanja podataka utvrđene relevantnim zakonima i profesionalnim standardima, Pružatelj usluga će na zahtjev Korisnika usluge ili vratiti ili uništiti prikupljene lične podatke na kraju angažmana; i
- (vii) na pisani zahtjev Korisnika usluge, Pružatelj usluga će pružiti razumne informacije kao dokaz da Pružatelj usluga postupa u skladu sa ovom obavezom, a u koju svrhu mogu da posluže svi raspoloživi izvještaji trećih lica o izvršenoj kontroli sigurnosti podataka.

V TRAJANJE UGOVORA

Član 9.

Ugovor se zaključuje na period do potpunog izvršenja usluga iz člana 2. Ugovora, počevši od dana potpisivanja ovog Ugovora.

VI PRELAZNE I ZAVRŠNE ODREDBE

Član 10.

Ukoliko u toku trajanja ovog Ugovora dođe do promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Za sve što nije predviđeno ovim ugovorom, primjenjuju se odredbe Zakona o računovodstvu i reviziji u Federaciji Bosne i Hercegovine, Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 11.

Ovaj ugovor je sačinjen u 2 (dva) istovjetna primjerka od kojih svaka ugovorna strana zadržava po 1 (jedan).

**JU „APOTEKE SARAJEVO“
Nedim Hrelja mr. ph. MBA
Generalni direktor**

**FConsulting Mag d.o.o. Sarajevo
Asmir Bektić
Direktor**